

Վահրամ Լալայան

ՃԱՌԵԼԻ և ԱՆՃԱՌԵԼԻ ԱՍՏՎԱԾՃԱՆԱԶՈՂՈՒԹՅՈՒՆԸ ԳՐ. ՆԱՐԵԿԱՑՈՒ «ՄԱՏԵԱՆ ՈՂԲԵՐԳՈՒԹԵԱՆ» ՄԵՋ ԸՍՏ ՀԱՅ ԳԿՈՒՐ ՆԱԼՅԱՆԻ

Աստվածային ստորոգելիներ, անճառելի որակումներ, խորհրդական Մեզ,
ճառելի անուններ, հավատ, հույս, սեր, վերացարկված մտահայեցողական,
բարոյագործնական և բարոյախմացաբանական հոսանքներ

Գրիգոր Նարեկացու «Մատեանը» ըստ էության ոչ միայն ապաշխարության աղոթագիրք է, այլև Աստծո փառաբանության ինքնատիպ մի երկ, որ մեծ հանճարով կերտել է մա՛ ըստ ճառելի և անճառելի աստվածաբանական եղանակների:

Ա. Աստծո անունների խնդիրը: Գրիգոր Տաթևացու կարծիքով. «Անճառելի է բնութեան եւ էութեանն բան, եւ ճառելի են անուանքն¹: Համաձայն Դիոնեսիոս Արեոպագեցու տեսության, Աստծո բոլոր անուններն ու (Նրա մասին) տարատեսակ բնորոշումներն առաջացել են նախախնամական ներգործությունների արդյունքում, իսկ Նրա անճառելի, անհաս ու հավիտենական գոյությունը սահմանող «էություն» անվանումը ոչ թե Նրա անիմանալի բնության իսկությունն է հայտնում, այլ՝ ստորոգումը²: Այլ խոսքով, եթե Աստծո էությունը անճանաչելի է, ուրեմն անունը ևս անիմանալի է, «զի ոչ գոյ այնպիսի անուն, որ զբնութիւն Աստծոյ յայտնեսցէ»³: Ճշմարիտ է նաև այն պնդումը, որ, ըստ էության, *անանուն* է Աստված⁴, քանզի Աստծո բոլոր ստորոգելիները «առաջացել են» արարչության հետ կապի արդյունքում. «...անուն անհասութեան...», Բան Իգ (ա-6)⁵: Եւ «է» թվագիրը Աստվածության անընկալելի մշտնջենավորության խորհրդանիշն է ոչ այնքան ըստ թվականի, որքան ըստ էականի նշանակության⁶: Ըստ Տաթևացու «է»-ն ոչ թե Աստծո բնությունն է բացահայտում, այլ նրա անսկիզբ և անվախճան իսկությունը⁷: Աստծո Որդու (կամ Բանն Աստծո) անվանը Նարեկացին ՀԵ «Բան»-ուն այսպիսի որակում է տալիս. «Մին բարձրեալ ահաւոր անուն համապատիւն կցորդութեանց...», Բան ՀԵ (ե-55): Վերջինս, ըստ Նալյանի, նախքան մարդեղության վիճակին է վերաբերում, իսկ «ահաւոր անուն»

¹ Գրիգոր Տաթևացի, «Գիրք Հարցմանց», - Յաղագս Աստուածաբանութեան Սրբոյն Դիոնեսիոսիե, Երուսաղէմ, 1993, էջ 8գ:

² Տէն Յակոբ (պատրիարք) Նալեան. «Գիրք մեկնութեան աղօթից սրբոյն Գրիգորի Նարեկացւոյ, հրեշտակական վարդապետին», Կ. Պոլիս, 1745 (այսուհետև՝ Նալյան) էջ 255:

³ Նույն տեղում, էջ 235:

⁴ Տէն Գր. Տաթևացի, մշվ. աշխ., էջ 103:

⁵ Գր. Նարեկացի, «Մատեան ողբերգութեան», աշխ. Պ.Մ. Խաչատրյանի և Ա.Ա. Ղազինյանի, Երևան, 1985:

⁶ Տէն Նալյան, մույն տեղում, էջ 233:

⁷ Տէն Գր. Տաթևացի, մշվ. աշխ. էջ յԺա:

է ասվում՝ ըստ Դավթի, թե ահեղ եւ սուրբ է Նրա անունը¹: Ըստ Պողոս առաքյալի, Աստծո Որդին Իմաստություն և Աստծո զորություն է կոչվում, իսկ ըստ Եսայի (Թ-6)-ի՝ Նրա անունն է՝ Սքանչելի Խորհրդակից, Աստված Զգոր, Իշխան, Զայր հանդերձյալ աշխարհի, և «համապատիւ կցորդութեանց» է ասվում, քանի որ Որդին համապատիվ է էակից անձերին՝ Զորը և Սուրբ Զոգուն²: Ծննդ. ԼԲ-29-ում, երբ Զակորը հարցնում է «մեծ խորհրդի» հրեշտակի անունը, պատասխան չի տրվում, քանի որ անճառելի է և չկա մի անուն, որ Աստծո անհուն էությունն ընդգրկեր, սահմանադասեր ու բացահայտեր³. «Անուամբ անհասականաւ ամենայնիւ անթարգմանելոյդ», Բան Ղ (ե-118): Որդի Աստծո անունը կապված մարդեղության հետ, մաև այսպիսի բնորոշում է ստանում . «Իւղ թափեալ անուն փեսայիդ», Բան ՂԳ (գ-120-121): Ըստ Գրիգոր Լուսավորչի այստեղ. «Զօծություն Քրիստոսի և զանուն յայտ առնէ»⁴ իսկ ըստ Նալյանի մեկնության Սողոմոնի կողմից հեղված անուշ յուղ կոչվեց (հմմտ. «Երգ Երգոց» Ա.-2) Որդի Աստծո մարդանալու խորհուրդը, քանզի Նա Իր աստվածային էությունը մարդկային բնության մեջ անշվիոթ և անխառը «պահելով» (մարմնի վրա թափված յուղի օրինակով) շարունակեց մնալ Աստծո անձնավոր Խոսքը՝ Զոր իսկական և բնական պատկերը, որ Իր շնորհները մարդկանց մեջ հեղելով՝ նրանց իրեն է միացնում⁵:

Բ. Աստծո անճառելի էությունը: Աստծո մասին երբեմն ասվում է , թե Մեզ եւ խավար է նրա շուրջը (կամ մտքի համար անհասանելի է), երբեմն թե՛ անմատչելի Լույսով է ծածկված (հմմտ Եզեկ. Ա-28)⁶:

«անմատոյց լուսովդ պարածածկեալ», Բան ԺԸ (դ-43):

Ըստ Դիոնեսիոսի, Մեզը անմատչելի Լույսն է (հմմտ. Ա Տիմ. 2-16), որտեղ Աստված է բնակվում, որ աներևույթ է՝ գերերևութականության և անտանելի գերպայծառափայլության պատճառով⁷: Իսկ ըստ Նարեկացու՝ Աստված ոչ թե արտաքին վարագույրով է ծածկված, այլ անճառելի հրաշալիքներով ու սքանչելիքներով⁸.

*«Որ ոչ է քղանցք ձեռաստեղծական վերարկուի ձորձոյ
Այլ տարածումն հրաշից ամենայն ուրեք զաւրացեալ »*

Բան ԺԸ (դ...):

¹ Տե՛ս Նալյան մույն տեղում, էջ 541:

² Տե՛ս մույն տեղում, էջ 255:

³ Տե՛ս մույն տեղում էջ 660- ոկա:

⁴ Ազաթանգեղայ Պատմութիւն Զայոց ե,- «Վարդապետութիւն Ս. Գրիգորի», քննական բնագիրը Գ. Տեր-Մկրտչյանի և Ս. Կամայանցի, Երևան 1983, էջ 242:

⁵ Տե՛ս Նալյան մույն տեղում, էջ ոձե:

⁶ Տե՛ս մույն տեղում, էջ 132, տե՛ս մաև Դիոն. Արեուպագացի «Դորոթեոս պաշտօնեայ սարկաւազին», ԳանձասարեՔ Երևան-1992, էջ 149-150:

⁷ Տե՛ս Նալյան, մույն տեղում:

⁸ Տե՛ս մույն տեղում:

Հին Կտակարանում ոչ մի անգամ չի ասվում, թե որևէ մեկը Չորը տեսել է, և աստվածտեսության «բոլոր դրսևորումները» Աստծո Որդու մարդեղության հետ են առնչվում¹: Ըստ Նալյանի, աստվածային անձերի սրբության բնույթի մասին ասվում է, որ Չայր Աստծո սրբությունը ծածուկ է կամ ծածկյալ, Որդի Աստծունը՝ չարչարյալ և խաչյալ, իսկ Ս. Չոզի Աստծունը՝ հրեղեն և կիզյալ²: Պողոս առաքյալը Չայր Աստծո մասին ասում է, որ ոչ ոք չի տեսել Նրան և ոչ էլ կարող է տեսնել, միաժամանակ կոչելով նրան երանելի, անմահ, անմատչելի Լույսի մեջ բնակվող, արքայից արքա և տերերի տեր (հմմտ. Ա Տիմ. 2-16)³.

«Վերամբարձութիւն անձեռնարկելի», Բան 3Ե (դ-52)

Այսպես ի հայտ է գալիս աստվածանաչողության ճառելի եւ անճառելի ոլորտների հարաբերության խնդիրը: Աստված Տեր է, թագավոր, Արարիչ, սեր, կյանք, իմաստություն կոչումները ինչքան ճառելի, «նույնքան էլ անճառելի են», քանի որ մարդու սահմանափակ տեսողություն ունեցող միտքը և հոգևոր գիտակցության «խամրող ճառագայթները» ի զորու չեն թափանցել դրական որակումների կամ հաստատական ընկալումների աստվածային տիրույթ.

«Ի քեզ ոչ է մթութիւն կամ նենգութիւն», Բան 2Գ (բ-44):

Աստված, ըստ էության, լույս է, իմաստություն, սրբություն, սակայն խավար ու Մեզ է Նրա շուրջը⁴: Այլ խոսքով՝ խորհրդական Անգիտության սրբազան Մեզը աստվածահայեցության վերջին հանգրվանն է ու Աստծո հետ միավորման կերպը⁵:

Ավելի ճիշտ՝ անցում է կատարվում դեպի շնորհական աստվածտեսության հարթություն, երբ միտքը «մարում է» ու մնում է հավատը կամ հավատի միեղեն շնորհական տեսությունը⁶: Ամեն դեպքում յուրաքանչյուր աստվածային ստորոգելի իր խորքում թաքնված հավատքի հիմք ունի, թեև մարդ-Աստված հարաբերությունը մատնանշող արտահայտություններով Նարեկացին ուղղակի կամ խորհրդանշաբար հավատքին ևս անդրադառնում է:

Հաշվի առնելով արևելաքրիստոնեական եկեղեցական ավանդույթը և առկա ճգնավորական փորձառությունը՝ ճառելի և անճառելի աստվածանաչողության ընթացքը հայրերի կողմից դիտարկվում է ըստ խորհրդապաշտական երեք հոսանքների՝ վերացարկված մտահայեցողական, բարոյագործնական և բարոյաիմացաբանական⁷:

¹ Տե՛ս նույն տեղում, էջ 541:

² Տե՛ս նույն տեղում:

³ Տե՛ս նույն տեղում:

⁴ Տե՛ս նույն տեղում, էջ 635:

⁵ Տե՛ս Վ. Լալյան, Ինը երանիները հայ խորհրդաբանական ավանդույթի մեջ, «Էջմիածին», 2009, Ժ, Ա. Էջմիածին, էջ 22:

⁶ Տե՛ս նույն տեղում: Տե՛ս նաև Գր. Տաթևացի Աշվ. աշխ. էջ 6ԺԹ:

⁷ Տե՛ս Ս. Մինին, Главные направления древне-церковной мистики, -“Мистическое богословие”, Киев, 1991, էջ 343, 361, 380:

4. Ըստ հավատքի մեկնաբանվող ստորագելիներ: Գրիգոր Տաթևացին հավատքի լուսավորությունը ներկայացնում է որպես Աստծո բանական շնորհի հեղուն մարդկային բանական մտքի վրա¹, իսկ հավատի շնորհական տեսությունը սահմանում «պարզ և միեղեն իմացմամբ բարձրանայ յաստուածային գիտութիւն»² արտահայտությամբ: Ըստ Գրիգոր Լուսավորչի հավատքի ճշմարտությունը մտքի աչքերի լույսն է³: Ըստ մտքի երեք կարողությունների հավատքը սահմանվում է որպես իմացության հավանություն, իսկ ըստ հոգու մասերի «տեղադրվում է» բանական-ի մասում ու պատշաճեցվում Զորը⁴: Այս տեսանկյունից հավատն առանձին վերցրած վերցարկված մտահայեցողական ուղղվածություն ունի, քանի որ մտքի լուսավորություն է:

«Աւանդ արգասաւոր», Բան ԶԵ (դ-51):

Ըստ Նալյանի, Նարեկացին ի նկատի ունի հավատը, քանի որ Ս. Երրորդության հավատը ավանդ է՝ մարդուն տրված, որը միշտ շահութաբեր է, կամ Ս. Երրորդության շնորհը որպես ավանդ բնակվելով անձի մեջ՝ միշտ պտղաբերում է հոգևոր բարիքներով⁵:

Բան ԶԹ – 5-ում Քրիստոսին տրված «**Պարան ամրութեան**» բնորոշումը արդեն իր հիմքում հավատքի առկայության տեղ ունի ըստ Նալյանի բացատրության իմաստի: Նալյանի մեկնության համաձայն՝ Քրիստոս է ամենաապահով (թշնամեաց համար անմատչելի) Լեռը, որտեղ հավատացյալների կուտակած գանձերը (բարի գործեր, առաքինության մեջ հաստատվելու ջանքեր, հանուն արդարության Աստծո սիրո կատարած զոհողություններ և այլն) ոչ մի պարագայում չեն կորչելու և արժեգրկվելու⁶, քանի որ Իր տված հավիտենական կյանքի լույսը ոչ ոք չի կարող նրանցից հավիշտակել (նաև հավատացյալներն իրենք են Քրիստոսի պատսպարանի գանձերը⁷):

«Պատսպարան վստահութեան», Բան ԶԹ-5, արտահայտության մեջ հավատքի պտղաբերության գործոնի ներկայությունն ակնհայտ է՝ ըստ Նալյանի մեկնության, քանզի Քրիստոսի Արյամբ է հավատացյալ անձը մկրտությամբ մաքրվում, Ս. Զոգու շնորհով ապաշխարության ընթացքի մեջ մտնում և վստահություն ստանում Զայր Աստծո, Ս. Զոգու, Եկեղեցու սրբությունների հետ հաղորդակցման և, վերջապես, Երկնքի Արքայություն մտնելու հույս ձեռք բերում⁸: Իսկ այս ամենի հիմքում հավատն է:

¹ Տեն Գր. Տաթևացի, Ոսկեփորիկ, աշխարհաբար փոխարկությունը և ծանոթագրությունները Զ. Զյետսեյանի, Երևան, 1995, էջ 247:

² Գր. Տաթևացի, նշվ. աշխ. («Չարցմանց»), էջ 6ի:

³ Տեն Սրբոյն Զորն մերոյ Գրիգոր Լուսավորչի Յաճախապատում ճառք եւ աղօթք, Վենետիկ, 1838, էջ 19:

⁴ Տեն Գր. Տաթևացի, Ոսկեփորիկ, էջ 248:

⁵ Տեն Նալյան, էջ եճխ: հմմտ. Ս. Եվագր Պոնտացու մտածումի հետ, որ «Արքաիւթին Աստծոյ է գիտութիւն սրբոյ Երրորդութեանն ձգեալ ընդ հաստատութեան միտս, և առաւելեալ անապակաւութեամբ նորա», Զայր Բարսեղ Վ. Սարգիսեան Սրբոյ Զորն Եվագրի Պոնտացոյ «Վարք եւ Մատենագրութիւնք», Վենետիկ 1907, էջ 26-գ.:

⁶ Տեն նույն տեղում, Նալյան, էջ ոժբ - 652:

⁷ Տեն նույն տեղում:

⁸ Տեն նույն տեղում, էջ 652 - ոժգ:

«Ապավէն անկասկածելի», Բան Ղ (ա-7) ստորոգելին առավել ևս իր հիմքում գորավոր հավատ է ենթադրում: Ըստ Նալյանի մեկնության՝ Աստծուն ապավինածները երբեք չեն սասանվում. «անիրաւութենէ փրկեսցես զիս տեր» (2-րդ Թագ., ԻԲ-3)¹:

Տեսականորեն մարդու փրկության ուղորտին առնչվող ստորոգելիները իրենց մեջ իմաստային շերտից բացի պիտի նաև հույս պարունակեն, որը հավատի և սիրո հետ կազմում է աստվածային կամ շնորհական առաքինությունների եռյակը:

Գ. Հույսը մատնանշող ստորոգելիներ: Գրիգոր Տաթևացին հույսը սահմանում է որպես ստույգ ակնկալություն հանդերձյալ երանության²: Մտքի կարողությունների մեջ նա հույսը «կապում է» հիշողության, իսկ հոգու մասերից՝ ցասմնականի հետ³: Այլ խոսքով՝ մաքուր հույսը կարելի է «տեղադրել» մտքի և սրտի միջև ու դիտարկել որպես բարոյաիմացաբանական ուղղվածության առաքինություն:

«...ակնկալություն հավաստի», Բան ՀԵ (դ-50-51): Ըստ Նալյանի բացատրության, այս ստորոգելին աստվածային հույսի գովասանք է, քանզի հույսն, ըստ Պողոս առաքյալի, երբեք չի ամաչեցնում, եթե Աստծուց է՝

«Անհուսության ելք», Բան (ՁԹ-11): Ըստ Նալյանի՝ խոսքը Քրիստոսի մասին է, քանի որ հավիտենական կյանքի հույսը և փրկությունը հավատացյալ մարդու մեջ միայն Նրանով է կենդանի մնում⁴: Եւ ընդհանրապես, բոլոր հավատացյալների բարի հույսը Նա է⁵. «...զի Դու լոյս ես եւ յոյս», Բան ՁԳ (բ-32): Ըստ Գրիգոր Տաթևացու հավատք-հույս-սեր (առաքինությունների) եռյակը հարաբերելի է Ս. Երրորդության անձերին՝ Հորը, Որդուն և Ս. Հոգուն⁶: Այսպես, հույսը պատշաճում է Որդուն:

Աստծո Որդին նաև «յուսոյ տեսութիւն» է, Բան ՂԵ (ա-4), քանի որ Նրան տեսնելը հուսալին տեսնելն է, կամ Քրիստոս հեռավոր երկնային բարիքները, իր անսուտ խոստման համաձայն, մերձավոր է դարձնում՝ հուսացողին՝ մղելով առաքինության⁸:

Ե. «Սիրո ստորոգելիներ»: Երրորդ աստվածային առաքինությամբ կամ սիրով «շաղախված» ստորոգելիները առանձնապես «նկատելի» են Աստծո փառաբանական որակումներում: Ինչպես նշվեց, Գրիգոր Տաթևացին սերը աղերսում է Ս. Հոգուց, մտքի մասերի մեջ կամքի հոժարությանը, իսկ հոգու գորությունների շարքում՝ ցանկությանը⁹: Ըստ Նալյանի՝ Աստված երեք կերպով է սեր անվանվում՝ նախ ըստ էության (Ս. Երրորդությունը սեր է), ք) անձնավորաբար (Հայրը՝ սեր է, Որդին սեր է, Ս. Հոգին սեր է), գ) տեսականորեն՝ որպես մարդկային

¹ Տես նույն տեղում, էջ 654 :

² Տես Գր. Տաթևացի «Գիրք հարցմանց» էջ շիգ:

³ Տես Գրիգոր Տաթևացի, Ոսկեփորիկ, էջ 248:

⁴ Տես նույն տեղում Նալյան, էջ 539:

⁵ Տես նույն տեղում, էջ 653:

⁶ Տես նույն տեղում, էջ 634:

⁷ Տես Գրիգոր Տաթևացի, Ոսկեփորիկ, էջ 248:

⁸ Տես նույն տեղում, Նալյան էջ ոիր:

⁹ Տես Գրիգոր Տաթևացի, «Ոսկեփորիկ», էջ 248:

սիրո նախագաղափար, կատարելատիպ և չափանիշ¹: Սերը որպես աստվածային առաքինություն՝ իր խորհրդական և բարոյական ընկալումներով, անշուշտ բարոյագործական ուղղվածություն ունի:

«Բաժակ բերկրութեան», Բան Գ (ա-14): Ըստ էության Աստված ինքը բերկրության բաժակ է, քանզի Ս. Հոգու մասին ասվում է որպես անմահարար հեղված բաժակ, որ վերնատանը բերկրանք պատճառեց առաքյալներին²:

«Ծածկոյթ ցանկալի», Բան Գ (ա-16) ստորագելին իր մեջ սեր է ներառում ըստ իմաստի, սակայն Նալյանը հիմնականում ծածկոյթն է մեկնաբանում՝ որպես հովանի ժամանակի «փորձության տապի», ըստ առաքյալի խոսքի՝ «զգեցարուք զՏեր մեր Յիսուս Քրիստոս» (Բ Կորնթ., ե-24)³:

Աստծո հանդեպ սերը ճգնավորի համար կարող է դառնալ **«վեհագոյն խրախոյս»**, Բան Գ (ե-22), այսինքն՝ հոգեւոր պատերազմի հորդորիչ և ոգեշնչող զորություն⁴:

«Անմատչելի հեռաւոր եւ անընդմիջելի մերձաւոր», Բան ԻԳ (ա-9): Համաձայն Նալյանի մեկնության՝ Աստված մերձավոր է մեղքերից հեռու գտնվողների համար, քանի որ, ըստ Պողոս առաքյալի, մեղքն է միայն, որ Աստծուն հեռացնում է մարդուց⁵: Աստված անմատչելի հեռավոր է, քանզի անընկալելի է մարդկային մտքի և անհասանելի բանականության համար: Ըստ ամենազորության Աստված անընդմիջելի մերձավոր է բոլոր արարածներին, քանի որ ամենուրեք ներկա է (հմմտ. Սաղմ. 6ԼԸ 7-8), չնայած նրան, որ աստվածային ոլորտն անդրանցական է արարչության նկատմամբ: Անընդմիջելի մերձավորությունը հատուկ է խորհրդական սիրո բարձրագույն աստիճաններին և ըստ սրբերի հոգեկեցվածքի՝ Աստված, անմատչելի լինելով մարդկային ճանաչողության համար՝ անընդմիջելի մերձավոր է, որովհետև բնակվում է նրանց սրտերում:

Աստծու սիրուն և Աստծուն Նարեկացին այսպիսի որակում է տալիս.

«...անխառն կերպարան սիրոյ», Բան ՀԵ (դ-47): Սա բացարձակ սիրո պարզ ու մաքրագույն արտահայտություն է, որ ակնկալությամբ չի սիրում և ոչ մի սահմանափակություն չի ճանաչում⁶: **«Երանութիւն անձկալի»**, Բան Ղ (բ -42): Ըստ Հովհաննէս առաքյալի, աշխարհի հանդեպ սերը հակառակ է առ Աստված սիրուն (հմմտ. Ա. Յովհ. բ-16): Այս տեսանկյունից է Նալյանը մեկնաբանում ստորագելին, քանզի Աստծուն մերձենալու համար զգայական հեշտությունները խոչընդոտ են և զրկում են հավիտենական կյանքից, ըստ այն խոսքի՝ «Ով սիրում է իր անձը՝ կը կորցնի (հմմտ. Յովհ. ԺԲ-25): Ուրեմն, ըստ Նարեկացու՝ շնչավոր կյանքից հրաժարելով է Աստծո երանությունը հասանելի⁷:

¹ Տես Նալյան Ուշվ. աշխ. էջ 681:

² Տես նույն տեղում, էջ, 40:

³ Տես նույն տեղում, էջ խա:

⁴ Տես նույն տեղում:

⁵ Տես Նալյան, էջ ճժե:

⁶ Տես նույն տեղում, էջ 538:

⁷ Տես նույն տեղում, էջ ոժե:

Աստծուն կամ Աստծո փառքը տեսնելը բոլոր ժամանակների ճգնափորների, մարգարեների և արդարների գերագույն տեսչանքն էր՝ **«փափագ անձկութեան»**, **Բան** ՂԵ(ա-2): Այսինքն, տեսչալի ու ցանկալի բաղձանքների առարկա, որին շատ էր ուզում տեսնել Մովսեսը (ըստ Ելից ԼԳ -22)-ի, քանի որ բոլոր ցանկություններից ու փափագներից վեհագույնը Քրիստոսի (կամ Նրա Փառքի) տեսությունն է¹:

Մարդացած Աստծո գեղեցկությունը երևաց Քրիստոսի հոգևոր կերպարի մեջ, Նրա անճառելի գեղեցկությունը «բացահայտվեց» պայծառակերպության ժամանակ, արարչության գեղեցկությունն արդեն Աստծո գեղեցկության դրոշմն է կրում: Խորհրդագրածի հոգում Աստծո համդեպ սիրո կրակը նաև Նրա գեղեցկությունից է բոցավառվում: Այնպես որ Աստծո գեղեցկության հետ կապված արտահայտությունները այս կամ այն չափով կապակցված են առ Աստված սիրուն: Ըստ Տաթևացու՝ անճառ երանությունն ու առաքինությունն է Աստծո գեղեցկությունը, որը նաև մարդկանց փոխանցվեց (մաքրություն, անախտություն, չարից օտարվածություն՝ ըստ Գրիգոր Նյուսացու)²: Գեղեցկությունը, անշուշտ, բարոյագործնական ուղղվածություն ունի:

«անվատնելի տեսականութիւն», Բան ՅԵ (դ 48-49): Ըստ Նալյանի մեկնության, Աստծո անեղծանելի գեղեցկությունը երբեք չի սպառվում, թեև բոլոր իմացական էակների հայացքը ուղղված է Նրան³:

Առավել ակնհայտ է սիրո եւ խաղաղության կապը⁴, քանզի սիրո աղբյուրից է մարդկային հոգին լցվում խաղաղությամբ: Նշվել է արդեն խաղաղության և խաղաղարարության կողմնորոշումը դեպի բարոյաիմացաբանական ուղղություն⁵:

«Առաջնորդ խաղաղութեան» Բան ՁԳ (ա-8): Թեև շատ են խաղաղարարները, սակայն Աստված է խաղաղարարության առաջնորդը, որ ինչպես բնության մեջ ամեն ինչ միացնելով շաղկապել է, այնպես էլ բարոյապես բոլորին միավորող է ու նույնիսկ թշնամիներին խաղաղեցնող⁶:

Բարությունը Աստծո էությունից է բխում և Քրիստոս ինքը մատնաշեց Աստծո այս որակման բացառիկ լինելը. «Ոչ ոք բարի չէ՛, այլ միայն Աստված (հմմտ. Մարկ. Ժ-18): Արարչությունն ի սկզբանէ բարի էր՝ (ըստ Ծննդոց Ա գլխի): Ըստ Տաթևացու բարին էություն է և ունակություն, իսկ չարը՝ ոչ էություն և բարու պակասություն⁷: Բարին ևս՝ (ինչպես սերը) բարոյագործնական ուղղվածության ստորոգելի է:

2. Աստծո բարությունը բացահայտող ստորոգելիներ: Աստծո սերը Նրա բարությունից դժվար է տարանջատել: Թեև Քրիստոսով Աստծո սերն ու բարությունը մարդու համար առավել «շոշափելի» դարձան, սակայն «Բարի Գովվի» սիրո

¹ Տե՛ս նույն տեղում, էջ 671:

² Տե՛ս Գր. Տաթևացի «Գիրք Դարցմանց» էջ մհա:

³ Տե՛ս Նալյան նույն տեղում, էջ շլթ:

⁴ Տե՛ս Վ. Լալայան մշվ. հոդվ., էջ 34-35:

⁵ Տե՛ս նույն տեղում, էջ 35:

⁶ Տե՛ս նույն տեղում, Նալյան էջ ոլգ:

⁷ Տե՛ս Գր. Տաթևացի «Գիրք Դարցմանց» էջ 13:

անսահմանությունն ու բարության անընկալելի խորքերը արարածների համար միշտ էլ կմնան առեղծվածային իրականություն:

«**Դու՝ իսկութեամբ բարի**», Բան ՁԳ (բ-34): Այսինքն, ըստ էության ու գոյության, քանզի միայն Աստված է բնութամբ բարի, իսկ ուրիշները Նրանից բարության մաս ունենալով են բարի կոչվում¹:

«**Գթութիւն արհնաբանելի**», Բան Ղ (ա-3) ստորագելին Նալյանը մեկնում է ըստ Քրիստոսի կատարած բարի գործերի ու սքանչելագործությունների, քանզի մինչ երկրի վրա էր, գթալով քաղցածներին, և հացն ու ձուկը բազմացնելով՝ հագարների էր կերակրում, հիվանդներ բուժում, կույրերին տեսողություն տալիս, մեռածներին՝ կյանք, աշակերտներին՝ հոգևոր կրթություն²:

«**բարերարութիւն երկրպագելի**», Բան Ղ (ա-4) ստորագելին ևս աստվածաբանը (Նալյանը) ավետարանական դրվագի հետ է կապակցում, երբ ծովի ալիքները Քրիստոս հանդարտեցրեց, իսկ նավակի մեջ եղողները՝ երկրպագելով Նրան, ասացին. «արդարեւ Որդի Աստծոյ ես Դու» (Մատթ. ԺԴ-33)³:

Աստծո բարերարությունը առավելագույն կերպով է դրսևորվում, երբ Նա մեղավորի մեղքերն է ներում: Եւ «**Բարծումն պարտեաց**», Բան Ղ (ա-9) ստորագելին այդ տեսանկյունից էլ մեկնվում է՝ ըստ տերունական աղոթքի. «Եւ թող մեզ գպարտիս մեր»⁴ :

«**Բարւոյ բերկրութիւն**», Բան ՂԵ (ա-4): Աստված ոչ միայն բարի է ըստ էության («**ինքնաբուն բարի**», Բան Գ (ա-1), այլև մարդու համար բարին հաճելի դարձնող, թեև այն դժվարությամբ է տրվում՝ դժվարաստաց է⁵: Եւ առաքինությունը բերկրանք է պատճառում ստացողին, քանի որ առաքինության բերկրությունը Քրիստոսն Ինքն է՝ ինչպես մեղրի մեջ քաղցրությունը⁶.

Է. Աստված որպես հոգևոր իմաստության լույսի աղբյուր կամ Արեգակ, որի ճառագայթներից լուսավորվում են բանականները (կամ Աստծո հոգևոր իմաստության և իմացական զորության հետ կապված ստորագելիներ): Ըստ Գրիգոր Տաթևացու՝ իմաստությունը պատշաճում է Հորը, գիտությունը Որդուն, իսկ հանճարը Հոգու բխմանը (Ս. Հոգուն)⁷: Մտքի կարողությունների մեջ Տաթևացին իմաստությունը իմացության հետ է կապում, գիտությունը՝ հիշողության, իսկ հանճարը՝ դատողության (կամ տրամախոհության)⁸: Նա հանճարը համարում է բնական (շնորհական իմաստություն), գիտությունը՝ ստացական և իմաստությունը՝ աստվածաբանական⁹: Հոգու զորությունների մեջ իմաստությունը բանականի մա-

¹ Տե՛ս Նալյան նույն տեղում, էջ 634:

² Տե՛ս նույն տեղում, էջ ոճոյ:

³ Տե՛ս նույն տեղում:

⁴ Նույն տեղում, էջ 654:

⁵ Տե՛ս նույն տեղում, էջ 671:

⁶ Տե՛ս նույն տեղում:

⁷ Տե՛ս Գր. Տաթևացի, «Գիրք Հարցմանց» էջ մի:

⁸ Տե՛ս նույն տեղում, էջ 270:

⁹ Տե՛ս նույն տեղում:

սում է «տեղադրում», գիտությունը՝ ցասմնականի և հանճարը՝ ցանկականի¹: Նաև իմաստություն է հավատը, գիտություն՝ հույսը և հանճար՝ սերը²: Ժամանակի մասերի մեջ Նա հանճարը հանդերձյալ իրողություններին է աղերսում, իմաստությունը՝ ներկայի, իսկ գիտությունը՝ անցյալի³, հանճարը՝ արտաքին գրքերի, իմաստությունը՝ Ս. գրքի, իսկ գիտությունը՝ նրանց մեկնության⁴: Ըստ Գրիգոր Տաթևացու դիտարկման՝ կատարյալ իմաստություն է իմացության միջոցով հավել Աստծուն և աստվածայինին (հոգևոր և իմանալի կյանքին), խոկալ Աստծո սերը և ատել զգայական հեշտությունները⁵:

Ստորոգելիների այս խումբը կարող է համալրել ոչ միայն վերացարկված մտահայացողական և բարոյաիմացաբանական, այլև բարոյագործնական ուղղության շարքերը:

«Անշամանդաղ գիտութիւն», Բան Գ (ա-8): Ըստ էության Աստված ինքնագոյ իմաստություն է, քանի որ ինքն ու իմաստությունը չեն զանազանվում⁶:

Ըստ Գրիգոր Տաթևացու, արեգակը (Ս. Երրորդության պատկերի մեջ) խորհրդանշում է Հայր Աստծուն, իսկ նրա դեղին ու սպիտակ ճառագայթները՝ Որդուն և Ա. հոգուն⁷: Եվ ինչպես արեգակի դեղին լույսի ճառագումից ջերմություն է փոխանցվում երկրին, այնպես էլ Քրիստոսով մարդկանց սրտերում բորբոքվեց առ Աստված սերը⁸: Կամ ինչպես արեգակի (սպիտակ) լույսն է լուսավորում գիշերվա խավարում հայտնված երկիրը, այնպես էլ Ա. հոգու շնորհների լույսն է լուսավորում մեղքի խավարում խարխափող մեղավորների հոգիները⁹:

Ս. Երրորդությունն արդեն երեք Լույսի խորհուրդն է կրում.

«Եռալուսեանն զուգակցութեանց», Բան ՀԵ (ե-56): Ըստ Նալյանի՝ սիբիլյան կանխագուշակություններից մեկում ասվում է, որ երեք պայծառ լույս է երևում երկնքում, որոնցից մեկը՝ մարմնով¹⁰:

«Առանց խավարի ճառագայթ», Բան ՁԹ-7: Ըստ Պողոս առաքյալի՝ Քրիստոսն է Հոր Փառքի ճառագայթը (հմտ Եբր. Ա-3), որի մեջ ամեն ոք փրկվելով խավարից, լուսավորվում է, և Նրանից բարձր ոչինչ չկա, որ ստվեր ձգի իր փառքի վրա¹¹.

«Ամնատչելի հպաուր», (Բան ՁԹ-10): Ստորոգելին աստվածաբանը մեկնում է ըստ Քրիստոսի իմացության զորության, երբ Նա (իր առաքելության ժամանակ)

¹ Տե՛ս նույն տեղում էջ մի:

² Տե՛ս նույն տեղում:

³ Տե՛ս նույն տեղում, էջ 270:

⁴ Տե՛ս նույն տեղում:

⁵ Տե՛ս նույն տեղում էջ 269:

⁶ Տե՛ս նույն տեղում, էջ 39:

⁷ Տե՛ս Գր. Տաթևացի, «Գիրք Հարցմանց» էջ 124:

⁸ Տե՛ս նույն տեղում, էջ 125:

⁹ Տե՛ս նույն տեղում:

¹⁰ Տե՛ս Նալյան էջ, 541: Սա իր գեղանկարչական (մանրանկարչական) արտահայտչությունն է գտնում «Պայծառակերպության» դրվագում, հստակ դրսևորված եռալուսյան պայծառության մեջ:

¹¹ Տե՛ս նույն տեղում, էջ, ոճգ:

բոլորին ճանաչում էր, նրանց սրտի խորհուրդները գիտեր, մտքերը «կարդում էր»՝ մնալով իր Աստվածությանը եւ աստվածամարդկային բնությանը անմատչելի բոլորին ու լուծելով (անիրագործելի) մարդու փրկագործության խնդիրը, որին անկարող էր հավելի հրեից օրենքն ու հունաց իմաստասիրությունը¹:

Քրիստոս նաեւ «**ճառագայթ արհնեալ**» է Բան ՂԵ (ա-1), քանզի Օրհնեալ Արեգակ՝ Հորից ծագեց այս ճառագայթը, որ չի այրում ու սևացնում, այլ զովացնում ու լուսավորում է²: Նույն կերպ է մեկնաբանվում «**Լուսոյ կերպարան**», Բան ՂԵ (ա-2) ստորոգելին: Այսինքն, Լույս Հոր էութեմական և բնական պատկեր ու կերպարանը, որի կատարելությունն ու առատաբաշխությունը հենց իր անձով է բացահայտվում³:

«**Գոյարան մտաց**», Բան ԶԳ (ա-3), այսինքն՝ ոչ միայն արարչության, այլև անմարմին մտքերի և խորհուրդների գոյացուցիչ է Աստված⁴ :

Ը. Աստծո կամքը սահմանող որակումներ: Աստծո կամքը ըստ հոգու զորությունների մարդու «ներսում» այն է, որ «արդարություն» հաստատվի մարդկային հոգեկառույցում՝ բանականը լինի խոհական (խորհրդածի Աստծո պատվիրանների իրագործման մասին, ցասմնականը՝ արհական, իսկ ցանկականը՝ ողջախոհական, որպեսզի մարմինը ենթարկվի հոգուն, իսկ հոգին՝ Աստծուն (Ս. Հոգուն) և արդյունքում անձը հաստատվի աստվածային սիրո տիրույթում⁵: Ըստ Նեղոս Սինայեցու (հավանաբար Եվագր Պոնտացու) «Աղոթքի մասին» խրատների, Աստծո կամքը աղոթարարի բնության մեղսագերծումն ու նրա հոգու մեջ սրբության հաստատումն է⁶

«**անասանելի ուղղութիւն**», Բան ՀԵ (դ-47): Ըստ Նալյանի՝ ի նկատի ունի Աստծո կամքը, որ երբեք չի սխալվում և ճշմարտությունից չի խտորվում⁷:

«**Կրթարան կամաց**», Բան Ղ (ա-12): Աստված ոչ միայն մտքի, այլև կամքի կրթիչ է, քանզի միտքը վարժապետները ևս կարող են կրթել, սակայն «մարդու մեջ» բարի կամք միայն Աստված կարող է հաստատել⁸:

«**Կամք անփոխադրելի**», Բան Ղ (բ-45), որը չի հոգնում մեղքեր քավելուց⁹:

«**Մերձաւոր կամարար**», Բան Ղ (ա-7): Իրենից երկյուղածների կամքը Աստված է հաստատում, և մարդու մեջ պտղաբեր բարի կամքն արդեն Ս. Հոգուց է¹⁰:

¹ Տե՛ս նույն տեղում, էջ, 653:

² Տե՛ս նույն տեղում:

³ Տե՛ս նույն տեղում, էջ, ոհա - 671:

⁴ հմմտ. նույն տեղում, էջ, ոլբ:

⁵ Տե՛ս «Խօսք ճշմարիտ հաւատքի եւ առաքինասէր վարքի մասին», նախաբանը՝ 3. Քեոսեանի, աշխարհաբար փոխադրությունը Ս. Ստամբուլցեանի, Երևան 1992, էջ 24-25:

⁶ Տե՛ս Նեղոս Սինայեցի, «Աղոթքի մասին», «Գանձասար», Ա. Երևան, 1992, էջ 183:

⁷ Տե՛ս Նալյան, նույն տեղում, էջ 538:

⁸ Տե՛ս նույն տեղում, էջ 655:

⁹ Տե՛ս նույն տեղում, էջ ոժժ:

¹⁰ Տե՛ս նույն տեղում, էջ 654:

Թ. Աստծո արդարությունը ներկայացնող ստորագելիներ: Արդեն մանրագնին քննության է ենթարկվել արդարության (որպես խորհրդական առաքինության) համապարփակ բնույթը և հիմնավորվել նրա բարոյախմացաբանական կողմնորոշումը¹:

«խոստումն անստելի», բան ԴԵ (դ-51): Ըստ Նալյանի՝ Աստված արդարությամբ խոստանում է և ճշմարտությամբ կատարում իր խոստումները²: Իսկ Աստծո արդարությունը (ըստ եկեղեցու վարդապետների) երեք կերպ է դրսևորվում՝ նախ ըստ արժանի հատուցման (բարյաց՝ բարի և չարյաց՝ չար), երկրորդ՝ մարդեղության խոստումը կատարելով, և երրորդ՝ մեղավորներին արդարացնելով³:

Քրիստոսն **«Արեգակն արդար»**, Բան ՂԵ (ա-1) է կոչվում, քանի որ թե՛ ստորիններին, թե՛ վերիններին առատապես շնորհ է տալիս, թեև նրանք ըստ իրենց ընդունակության են այն յուրացնում⁴: Այսինքն, ոչ միայն հրեշտակներին է լուսավորում, այլ նաև «դեպի ներքև» ծագելով՝ լուսավորում է մարդկային ազգը⁵: Ըստ Գր. Տաթևացու՝ Քրիստոս արդարության արեգակ է կոչվում («Եւ ծագեսցէ ձեզ երկիւղացած անուան իմոյ արեգակն արդարութեան» Մաղաք. Դ-2)⁶, քանի որ ամենքին հավասարությամբ բաշխում է նյութական բարիքները, իսկ արժանավորներին հավատ և հոգևոր շնորհներ տալով (այստեղ)՝ հանդերձյալում անվախճան փառքի է արժանացնում⁷:

Ժ. Աստված- արարչություն կապը արտացոլող ստորագելիներ:

«Անպարագիր, անվայրափակ տեղի ամենեցուն», Բան ԻԳ (ա-2): Ըստ Նալյանի մեկնության՝ Աստված ամեն ինչ իր մեջ է պարփակում ոչ թե մարմնավոր ընկալման դիտանկյունից՝ (ինչպես Մայր երկիրը), այլ կյանքի հոգևոր իմաստավորման, քանզի իր շնորհներով սրբերի մեջ է բնակվում, իսկ նրանք՝ Աստծո, թեև (նրանք) ողջ կյանքում անհանգիստ են, մինչև Աստծո մեջ չհանգչեն⁸:

«Բոլոր իսկութեամբ հույս յամենեսին», Բան ԻԳ (ա-3): Աստված նաև ամեն տեղ է իր էությանը, զորությանը ու ներգործությանը, բայց ոչ՝ շնորհներով⁹:

Մյուռոնի միջոցով Ս. Զոգու շնորհները պարուրելով ողջ մարդկային բնությունը, պտղաբերում են և՛ սրտի ոլորտում, և՛ մտքի՝ պատճառ դառնալով ներքին համապարփակ վերափոխության (գոնէ սրբերի պարագայում):

ԺԱ. Մյուռոնի խորհրդական բնույթին աղերսված ստորագելիներ:

¹ Տե՛ս Վ. Լալյան, մշվ. հոդվ., էջ 28-30:

² Տե՛ս Նալյան, էջ 539:

³ Տե՛ս նույն տեղում:

⁴ Տե՛ս նույն տեղում, էջ ոհա:

⁵ Տե՛ս նույն տեղում:

⁶ Տե՛ս Գր. Տաթևացի, «Գիրք Զարցմանց», էջ 125:

⁷ Տե՛ս նույն տեղում, էջ ճիէ:

⁸ Տե՛ս Նալյան, էջ ճծդ:

⁹ Տե՛ս նույն տեղում, էջ 154:

«Պատկեր պանծալի», Բան ՂԳ (դ-60): Մյուռոնը Աստծո Որդու պատկերն է, քանզի ինչպես Քրիստոսն է Աստվածությունը (որը պարզ է ու միակ) և մարդկությունը (որ բարդ է՝ կազմված մարմնից, հոգուց և մտքից) միավորում, այնպես էլ մյուռոնն է՝ բաղկացած ձիթենու պարզ յուղից և ծաղիկների բարդ խառնուրդից¹:

«Չարութիւն անծանց», Բան ՂԳ (Ժը- 415): Ինչպես ձեթի յուղով մարմինն է գորանում ու զվարթանում, այնպես էլ հոգեշունչ մյուռոնի յուղով մարդկային հոգին է գորանում Աստծո պատվիրանների պահպանության գործում²:

«Բռնախոյեան դիւաց», Բան ՂԳ (Ժը-417): Այսինքն հզոր ախտյան ու դիմադրող, քանզի մարդու քաղաք-բնության հինգ դռները կնքվում ու ամրացվում են այս մյուռոնի յուղով, որպեսզի չարը մուտք չունենա³:

Մյուռոնով կնքվածները պարուրվելով Ս.Յոզով, ճառագայթում են իրենց երեսի շնորհներով, այս կերպ, **«Ճառագայթ շնորհաց»**, Բան ՂԳ (Ժը-411), ստորագելին կարելի է վերագրել ոչ միայն Ս. Յոզուն (որից բխում են ճառագայթները), այլև մյուռոնին, որ փոխանցում է շնորհները⁴:

«Մերկացուցիչ գաղտնեաց», Բան ՂԳ (Ժը-419-420): Ս.Յոզին քննելով աստվածային խորախորհուրդ գաղտնիքները, մյուռոնի միջնորդությամբ այն հասանելի է դարձնում կնքվածին⁵:

«Ըստ խտրութեանն հոմերոնի», Բան ՂԳ (Ժթ-432) (ըստ Պողոս Խաչատրյանի՝ բանաստեղծորեն-փոխաբերաբար⁶): Ըստ Նալյանի Նարեկացին Մյուռոն բառը թարգմանում է ինձ մայր, քանի որ այս յուղը իբրև մայր վերստին ծնելով մարդուն՝ նրան բարոյապես դեպի իրեն է կողմնորոշում⁷:

«Մառնամուտ», Բան ՂԳ (Ժթ-437): Խորին, մթին, մռայլ է սրբալույս մյուռոնի խորհուրդը⁸:

«Այս իւղ զդրաւշեալն քառակուսեան յանուն քո... », Բան ՂԳ (Իա-473): Ըստ Նալյանի մեկնության՝ պատրաստված խաչերը միայն մյուռոնով օծվելուց հետո են «հաւասարազօր» դառնում Քրիստոսի խաչին ու երկրպագելի՝ ոչ ըստ մյութի կամ ձկնի, այլ՝ նրա վրա գանված Քրիստոսի, որից էլ շնորհ է բխեցնում մյուռոնը՝ ինչպես Քրիստոսի Արյունից⁹: Այսինքն մյուռոնով հեղված Ս. Յոզու շնորհները Քրիստոսի Արյան նման ներգործում են՝ զորություն տալով դևեր հալածելու, ցավեր

¹ Տե՛ս նույն տեղում, էջ ո. ձ. ա-681: Տե՛ս նաև «Սրբալույս Մյուռոն», Ս. Էջմիածին 2001, էջ 119:

² Տե՛ս Նալեան, էջ ողթ:

³ Տե՛ս նույն տեղում, էջ էճ:

⁴ Տե՛ս նույն տեղում, էջ ողը:

⁵ Տե՛ս նույն տեղում, էջ էճա:

⁶ Տե՛ս Գր. Նարեկացի «Մատեան Ողբերգութեան», էջ 1120 (ՂԳ- «Բան» -ի 77-րդ ծանոթագրությունը):

⁷ Տե՛ս Նալյան, նույն տեղում, էջ էճգ:

⁸ Տե՛ս նույն տեղում, էջ 703:

⁹ Տե՛ս նույն տեղում, էջ 705:

փարատելու, խորհուրդներ կնքելու, քանի որ առանց խաչի նշանի և խաչակնքման ոչ մի եկեղեցական խորհուրդ չի կատարվում¹:

«Փայտ անուանի իւղոյ արհնութեան...», Բան ՂԳ (իա-476): Մյուռոնը ծիթենու յուղից է և ծաղիկներից, որով օծվում են խաչերը ու հոգևոր զորություն ստանում²:

«Յրաշափառ խորհրդոյ պատկեր», Բան ՂԳ (իգ-504): Ինչպես յուղը ոմանց հետ միավորվում է, իսկ որոշներից «բարձր կանգնում» (ջրից ու գինուց), այնպես էլ մյուռոնի յուղը՝ խոնարհներին միավորվում է, իսկ հպարտներին՝ լքում³:

«Ոչ սահմանեցաւ ձեւակերպութեամբ», Բան ՂԳ (իդ-519): Նա ձևով չի սահմանվում, (Ս. Յոզիմ-Վ.Լ.) թեպետ Յորդանանում աղավնակերպ երևաց, իսկ Վերնատանը՝ հրեղեն լեզվով, և Նրա շնորհը, ըստ Քրիստոսի մարմնի օրինակի (որ մեծ ու փոքր նշխարների մեջ ամբողջությամբ պարունակվում է)⁴ մի կաթիլի մեջ, թե մի շշի միեւնոյն չափով է բաշխվում⁵:

Մյուռոնի կնիքը պայծառացնում է հավատացյալի հոգևոր տեսողությունը՝ դառնալով **«լուսաւորութիւն աչաց»**, Բան ՂԳ (ժը -412): Ըստ Նալլանի՝ «մտաց»⁶, քանզի միտքն է հոգու աչքը⁷: Այս իմաստով Նարեկացին մյուռոնին տալիս է նաև **«գտիչ աղանդից»**, ՂԳ (ժը-417) որակումը, քանի որ Ս. Յոզու շնորհը նրա միջոցով լուսավորելով մարդուն՝ հայտնում է կրոնական հոսանքի աղանդ լինելը⁸: Աստվածտեսության դիտանկյունից խորհրդական Արեգակի կամ Աստծո ճառագայթների զորությունից կուրանում են մարդկային հոգու աչքերը, և Աստված մնում է անհասանելի՝ Անգիտության Մեզի մեջ: Այսպես խորհրդական իրականության մեջ լույսի և խավարի սահմանը դառնում է անորոշ:

Եւ մյուռոնին տրված **«խաւար անգնին»** Բան ՂԳ (ժթ-447) ստորոգելին արդեն իր մեջ է ներառում և՛ Ս. Յոզու շնորհների լույսը, և՛ այդ լույսի ընկալման «խավարը»: Քանզի ինչպես Աստծո էությունը իր անըմռնելիության պատճառով անմերձեմալի Մեզ է, այնպես էլ յուղը՝ իբրև Ս. Յոզու շնորհական զորության կրիչ, մարդկային մտքի համար անզննելի խավար է⁹:

Մյուռոնի մեջ սերը խորհրդանշող ծաղիկը (կամ ծաղկաբույրը) մարդոսն է, քանզի Քրիստոս **«Նարդոս ընտիր»**, Բան ՂԳ (ժա-253) կոչվեց բոցավառ սիրո և «առաքինության խիտ տերևներ» ունենալու պատճառով¹⁰:

¹ Տե՛ս նույն տեղում:

² Տե՛ս նույն տեղում, էջ 706:

³ Տե՛ս նույն տեղում, էջ էճը:

⁴ Այս միտքը համերաշխ է Սահակ Միայնակյացի աստվածաբանական այն մտածումին, որ՝ «թեպետ ար ըստ արե՛ առնուն քահանայքն հացն ու գինին անապական պատարագի, և ոչ յավելու ի Քրիստոս» (Յ.Քէոսեան. «Սահակ Միայնակեացի աստուածաբանական երկը» Էջմիածին-2010-ժ, էջ 97):

⁵ Տե՛ս Նալլան, էջ էճթ:

⁶ Նույն տեղում, էջ 698:

⁷ Տե՛ս նույն տեղում:

⁸ Տե՛ս նույն տեղում, էջ էճ:

⁹ Տե՛ս նույն տեղում, էջ 704:

¹⁰ Տե՛ս նույն տեղում, էջ 690-զղա:

Խորդապաշտության վերացարկված մտահայեցողական ուղղության մեջ կարելի է ներառել ա. ըստ հավատքի մեկնաբանված ստորոգելիներից երկուսը, քանի որ Նալյանի մեկնությունը վերաբերում է միայն հավատին՝ («ապավեն անկասկածելի») և երկակի շեշտադրությամբ գերակայություն տալիս ճանաչողությանը («դարան ամրութեան»): բ. Աստծո իմաստության և իմացական զորության հետ կապված ստորոգելիներից չորսը («անշամանդաղ գիտութիւն», «անմատչելի հպաւոր», «գոյարան մտաց», «եռալուսեանն զուգակցութեանց»), գ. Աստծո կամքը սահմանող ստորոգելիներից երկուսը («անասանելի ուղղություն», «կամք անփոխադրելի»)¹, դ. Աստվածարարչություն կապն արտացոլող ստորոգելիներից մեկը («բոլոր իսկութեամբ յուպ յամենեսին»), ե. մյուռոնի խորհրդական բնույթին աղերսված ստորոգելիներից վեցը («բռնախոյեան դիւաց», «մերկացուցիչ զաղտնեաց» «մառնամուտ», «ոչ սահմանեցաւ ձեւակերպութեամբ», «զտիչ աղանդից», «խաւար անգնին») գ. (անճառելի) «անուն անհասութեան», «անմատույց լուսովդ պարածածկեալ», «վերամբարձութիւն անձեռնարկելի» (և ճառելի) «մին բարձրեալ ահաւոր անուն», «համապատիւ կցորդութեանց», «իւղ թափեալ անուն փեսայիդ», որակումները:

Բարոյագործնական ուղղվածություն ունեն ա. «սիրո» յոթ ստորոգելիները («բաժակ բերկրութեան», «ծածկոյթ ցանկալի», «վեհագոյն խրախոյս», «երանութիւն անձկալի», «փափագ անձկութեան», «անխառն կերպարան սիրոյ», «անմատչելի հեռաւոր և անընդմիջելի մերձաւոր»), բ. Աստծո բարոյությունը «բացահայտող» հինգ անվանակոչումները, գ. Որդի Աստծո կատարելությունն ու հոգևոր զորությունը ներկայացնող չորս որակումները («ճառագայթ արինեալ», «լուսոյ կերպարան», «առանց խաւարի ճառագայթ», «արեզակն արդար» («արդարության» ստորոգելիներից), դ. աստվածային կամքը սահմանող արտահայտություններից մեկը («մերձաւոր կամարար»), ե. մյուռոնի խորհրդական բնույթին աղերսված չորս բնորոշումները («պատկեր պանծալի», «ճառագայթ շնորհաց», «հրաշափառ խորհրդոյ պատկեր», «նարդոս ընտիր»):

Միստիկայի բարոյաիմացաբանական ուղղությանն են հարում² ներկայացված մյուս ստորոգելիները՝ ա. «հավատք»-ից՝ («Աւանդ արգասաւոր», «պատասպարան վստահութեան»), բ. «հույս»-ի չորս ստորոգելիները, գ. «կամք»-ից՝ «կրթարան կամաց»-ը, դ. «արդարություն»-ից՝ («խոստումն անստելի»), ե. Աստված-արարչություն «կապ»-ից՝ («անպարագիր, անվայրափակ տեղի ամենեցուն»), գ. «մյուռոն»-ից՝ («զօրութիւն անձանց», «ըստ խտրութեանն հոմերոնի», «այս իւղ զդրաւշեալն քառալուսեան յանուն քո», «փայտ անուանի իւղոյ արինութեան», «լուսաւորութիւն աչաց»), է. «խաղաղություն»-ից «առաջնորդ խաղաղութեան»-ը, ը. «զեղեցկություն»-ից՝ «անվատնելի տեսականութիւն»-ը (Աստծո զեղեցկության հետ կապված այս ստորոգելին բարոյաիմացաբանական հոսանքի մեջ է ներկայացվում հաշվի առնելով Նալյանի մեկնությունը, հակառակ նրան, որ «զեղեցիկը» բարոյագործնական ուղղվածություն ունի):

¹ Այս ստորոգելին նաև բարոյաիմացաբանական կողմնորոշում ունի՝ ըստ Նալյանի մեկնության:

² Որևէ հոսանքի պատկանելության խնդրում որպես հիմնավորում կան պատճառաբանություն է հանդես գալիս աստվածային կոչման ուղղվածությունը և Նալյանի մեկնության շեշտադրությունը - Վ.Լ.:

Վահրամ Լալայան, Ճառելի և անձառելի աստվածաճանաչողությունը Գր. Նարեկացու «Մատենանոցի զԵրզրում» մեջ ըստ Հակոբ Նալյանի – Ճառելի աստվածաբանությունը Աստծո մասին որոշ գիտելիքներ է հաղորդում, թե «ինչ է Նա», անձառելի աստվածաբանությունը բացասման եղանակով սահմանում է արդեն, թե Նա «ինչ չէ» և Աստծո անանուն լինելու իրողությունը: Նալյանի կողմից մեկնաբանված առը մտահայեցողական շեշտադրության ստորոգելիները, բնականաբար, հարում են խորհրդապաշտության վերացարկված մտահայեցողական հոսանքին, իսկ հոգու առաքինության լույսից և խորհրդական սիրո կրակից ծառագող որակումները՝ բարոյագործական ուղղությամբ: Միստիկայի բարոյախմայնական հոսանքին մերձ են մեծամասամբ (երկակի մեկնողական ուղղվածության) կամ միանգամից երկու ուղղությամբ մեկնված ստորոգելիները:

Ваграм Лалаян, Позитивные и негативные пути богопознания в «Книге скорбных песнопений» Григора Нарекаци, в комментариях патриарха Акопа Наляна –

»,
«
»

Vahram Lalayan, Positive and negative ways of Theo- Gnosis in the *Book of Lamentation by Grigor Narekatsi* as seen in the interpretation of Patriarch Hakob Nalian – The way of positive theology is giving some knowledge about God, about ‘what He is’, negative theology determines by negations ‘what He is not’ and the fact of God’s namelessness. Predicates of cool speculative accentuation, interpreted by Nalian, naturally join the abstract-speculative tendency of mysticism, while appellations emanating from the soul virtue and the fire of mystic love join the moral-practical tendency. Predicates of the tendency interpreted in two ways or the predicates interpreted in both ways at the same time are mostly close to the ethic-gnostic tendency.

Վահրամ Լալայան – ԵՊՀ Աստվածաբանության ֆակուլտետի նախկին ասպիրանտ

